

Tiwei Pita Kewisik - 2

Menmen me tiwei ik

Pita katip mit ne sios gude 1:1-2

God kehimitenai haiu nirak 1:3-21

Him me menmen enum me mit tisa enemitaipin him me God 2:1-22

Him me wi maain Mitik kaiu Iuwe ehirak kaknen 3:1-18

1 ¹Hi Saimon Pita, hi hiriak menmen me Jisas Krai, hirak kehimitena hi aposel kirak hewepyapir him mirak. Hi kerekek hesiuwe tiwei ik ken yi mit keriyen yi yetike haiu mit aposel haiu mises him yaa'im iuwe hiram mekepai mipiram. Hiram mekepai mentar God ketike Jisas Krai kesak menmen enum maiu, tenipai haiu mit yaain. Marim hirakit tekepai tetaihis mipiran.

²Hi hanhan God ketike Jisas Krai tatreyki menmen yaa'im te yi han yaaik eiyou, yi eiyou werek werek wisenum eiyyintar yi yertei God ketike Mitik Iuwe kaiu Jisas Krai werek werek.

God kehimitenai haiu nirak

³God hirak wisenuk epei kewetai menmen yapirwe me mamkepai haiu mamisesik werek werek. Haiu mamisesik werek werek mamitar hirak kekepai haiu merteiyek kerek nipaa kehimitenai haiu mamtikerek mamit menmen mirak yaa'im iuwe te haiu yaain mamir ke hirak yaaik.

⁴Mar im hirak epei kewetai menmen yaa'im iuwe mirak nipaa hirak ketpim kakwetai haiu mit em. Te yi mit eiriuwe menmen hirak epei kewetiyem, yi eirir einaaiwir menmen enum mit ne ti hir niriakem te yi yayit menmen mirak yaa'im yi eire God.

⁵Me menmen mar im yi epei yetiwem yi hanhan eiriak menmen yaa'im, hiram mamkaap him yaa'im me God mekre han ki nipaa yi yisesim. Menmen yaa'im yi yiriakem hiram mamkepi yi eiyyirtei menmen me God werek werek. ⁶Menmen yi eiyyirteiyem werek werek hiram mamkepi yi naanmamre hiras eiwenin han ki. Yi eiwenin han ki hiram

^a 1:2 Ju 2 ^b 1:3 1Pi 2:9 ^c 1:6 Ga 5:22-23

mamkepi yi han tokik eiyu me menmen yapirwe mamnen. Yi eiwenipi niuk me God hiram mamkepi yi han tokik eiyu. ⁷Yi eiwenipi niuk me God hiram mamkepi yi hanhan ni yinan. Yi hanhan ni yinan, hiram mamkepi yi han tewenin mit miyapir yapirwe.

⁸Menmen mar im mamu mamkre han ki te hiram mamnen iuwe mamkepi te yi eiyu weinim au. Yi yayirtei Mitik Iuwe kiau Jisas Krai werek werek yi eiysesik iuwe. ⁹Mit kerek menmen marim mekre han kir au, hir nekre han kir hir nar ke mit ap nir ein ein au. Hir nanamir toto. Mit nar ik han kaa nipaa God kesak menmen enum hir niriakem te in ek hir nau han yaaik prar prar.

¹⁰Te nai yinan, God epei kenini kehimiteni yi nirak te yi eikiak han ki eiriak menmen yaa'im. Yi eiriak menmen yaa'im te hiram mamkepi yi eiyrtei God maain kaktihis. Yi eiriak menmen im te yi eiyu eitikerek eiyr wit kirak. ¹¹Yi eiyses menmen mar im hiram mire God kikaisiu weipir te yi eino wit ke Mitik Iuwe Krai kerek kinin naanmipre mit, hirak nipaa kaa te kekepi kaktihis yi eiyu eitikerek tipmain tipmain enum eik.

¹²^dYi yertei menmen hi epei hetpim yi yau han tokik yeriuwe him me God nipaa yi yemtewem yi yisesim. Te hi hekrit hekrit hanhan hikiak han ki yi han ekitetim. ¹³^eHi han kitet hiram yaa'im te hi wen hepu hire mitik ik e, hi pike etpiyem hikiak han ki te yi han ekitetim. ¹⁴^fHi hertei menep hi hahi har ke Jisas Krai Mitik Iuwe kiau nipaa ketpo. ¹⁵Te hi hewis tiwei ik te maain hi hahi hirak hekrit hekrit kakikepi yi han ekitet menmen im nipaa hi hetpiyem.

Haiu mit epei mir Jisas Krai menmen mirak iuwe

¹⁶^gMe wi nipaa haiu mewepyapir him me Jisas Krai, haiu metpi hirak iuwe, hirak pike kaknen, haiu ap mises tipitim o wit tipir me him weinim au. Haiu epei mir menmen mirak iuwe. ¹⁷Nipaa God Haai kewenipi niuk me Jisas kewetiwek niuk iuwe keriuwe him, haiu mit aposel memtau hirak ketpiwek kar ik: "Mitik ik hirak Nikan kai yaaik hi hanhanek."
¹⁸Haiu hiras memtau him im meke wit ke God man mentar haiu metikerek merp miniu (o neiyip) kerek God kan kewik.

¹⁹Haiu han ekitet iuwe him me nipaa mit profet hir natip him me Krai hir newepyapirem, mentar menmen nipaa haiu mire. Te yi mit eiyses him im, yi eiriak yaa'im. Him me God mit profet netpim hiram mire si mir meit wit toto ere menep wanewik saur kir keteiknai menep kaksipuan. Him mit profet nipaa netpim hiram mire si me witaan mekepai haiu mises him me God werek werek ere Jisas Krai kan. Hirak kire wepni kewep kan kekepai. ²⁰Te yi eiynin eiyrtei menmen im.

^d 1:12 Ju 5 ^e 1:13 2Pi 3:1 ^f 1:14 2Ko 5:1; Jo 21:18-19 ^g 1:16 Mt 17:1-5

Haiu mit ap mises han kaiu mewepyapir menmen me him nipaa mit profet netpim au. ²¹^hHim im hi hetpiyem hiram yaaim mentar nipaa hir mit profet ap nises han kir newis him mau tiwei au. God Himin Yaaik kerekek kikiak han ke mit ein te hir natip him God ketporem, hir newisim mau tiwei.

Menmen enum mit enun netpi him me memipin hir niriakem

2 ¹ⁱNipaa mit profet enun ne nemipin nau nekre mit ne Isrel. Mit nar ik naninen nanu nantikewi, hir nanri him enum me nemipin naniwaank mit miyapir han ne weiwik me God. Hir nanweikin sip nanwet Mitik Iuwe Kraiss nipaa hirak kaa, te kakikepi kaktorhis te hirak kakiwaanki waswas. ²Mit yapirwe nanises menmen mir enum te hiram mamiwaanki. Hir natip mit miyapir hir nariyanhis neweninem hiram werek. Maain mit han nantip enum me him yaaim me God nanintar menmen im enum mit enun nar ik niriakem. ³^jHir hanhan neriuwe him me nemipin hir nanri pewek mi. Me nipaa ein God kemerir wi maain hirak skelim mit nar ik. God kerek kakriak menmen enum me mamiwaanki, hirak kiwaai au. Hirak kemerir wi keremem mamnen hirak kakiwaanki keriyen. Menmen im nipaa God kiriakem meteiknai hirak kiwaai au hirak kakiwaank mit enun.

⁴^kGod ap kewis mit nirak ensel hir niriak enum hir nepu netikerek au. Hirak kepiri keriuweti nen wit enuk ke kewaank mit hir nepu nekre hei enum nemerir wi God skelim mit ne ti. ⁵^lNipaa God ap kewis mit enun nipaa nau ti hir nepu au. Hirak kanip kenepi keriuwe wan kiniu tipar manip. Hirak mitik Noa kerek kewepyapir mit enises menmen yaaim, hirak ketike mit miyapir hispinak wik (7) keriyen God ap kanip au. ⁶^mGod epei kenep mit miyapir ne wit Sodom ketike Gomora, hirak kesiri netike wit hir newi. Menmen im mire himin o piksa meteikin mit kerek nikaru nises menmen enum mekam mamnen mamnip. ⁷ⁿGod epei keithis mitik Lot hirak mitik yaaik han enuk keriuwe menmen enum me neiyewewan niriran mit enun neweikin sip newet menmen yaaim hir niriakem. ⁸Hirak mitik yaaik Lot hirak kau ketikeri hekrit hekrit hirak kir menmen enum mit niriakem, hirak kemtau menmen enum hir netpim, te hirak han enuk iuwe keriuwe menmen enum mir. ⁹^oMenmen im meteiknai God kertei kikaap mit yaain ketorhis me menmen enum mamnen, hirak han kaa mit enun te hir ap naninaaiwir menmen enum mamiwaanki me wi hirak skelim mit taau! ¹⁰^pHirak kertei iuwe ap te han kaa kakiwaank mit kerek hir nises han kir me niriran neiyewewan, hir

^h 1:21 2Ti 3:16; 1Pi 1:11 ⁱ 2:1 Mt 24:11; Ju 4 ^j 2:3 Ro 16:18; 1Te 2:5 ^k 2:4 Ju 6

^l 2:5 Jen 6:11–8:19; 2Pi 3:6 ^m 2:6 Jen 19:24; Ju 7 ⁿ 2:7 Jen 19:1–16 ^o 2:9 1Ko 10:13; Ju 6 ^p 2:10 Ju 7–8, 16

ninan yipir newirek me menmen iuwe me God. Mit profet enun nemipin hir enun han tokik nises han kir kerekek, hir ap ninaain natip enum me mit ensel au. ¹¹ Mit ensel ne God hir enun manpenun ninin mit enun in te hir ap natip enum nesiuwe him me ninaan me God au.

¹² Te mit in en hir enun nar ke miyak han aurem te mit namip mami. Hir mit enun weise han auri hir natip enum me menmen hir nepitariyem. Maain God kaknip nanir ke miyak me yaank mit namip. ¹³ Menmen mamriwaank mentar menmen enum hir niriakem. Hir han kitet netikwi naam hiram menmen yaa im meni tu iuwe keremem, hir nire wikes mau yink ke yi mit neriwaank, hir han yaaik nises menmen mir me nemipin. ¹⁴ Hir nipir miyapir hir hanhan nanwaai nantikeri te hir han kir kenke kenteri ap te nanweikin sip newetirem au. Hir nari han ke mit miyapir te hir nises menmen enum. Hir han kitet yapirwe hir nanri pewek o menmen me mit miyapir hir nises him mir mamirkeik. God kakiwaank mit han narik. ¹⁵ Hir neweikin sip newet him yaa im, hir nises menmen enum nar ke mit ninaaiwir yayiwe yaa im, hir netaritari neit yaank. Hir nises menmen nipaa mitik niuk mirak Belam nikan ke Beo hirak kiriakem. Hirak hanhan pewek mit han nanwetiwekem me menmen enum hirak kiriakem. ¹⁶ Te donki kirak (hirak kire hos) kerekek ketaritari ap han kewik, hirak katip keriuwe him ke mitik kenerek kewenek me menmen enum merekiriwek han. ¹⁷ Mit in hir enun ap nankaap mit nar ke hei tipar epei au menke. Hir nises him ham him ham heriyai heriyai nar ke napi yuwerep metiwem. God epei kehimitenor wit hak enuk kire wit enum toto. ¹⁸ Hir natip him iuwe weinim, hir nari han ke mit neriuwe menmen enum han ke mit hanhan nanisesim. Hir pike nari mit kerek nempei ninaaiwir menmen enum im mit han enun wen nisesim han kir kenke kenterim. ¹⁹ Mit enun hir natip hiram werek te mit yapirwe enises han kir. Te hir hiras menmen enum merekiror han kir te hir ap enises him yaa im taau. Mekam mari han ke mitik te han kirak kenke kenterim, hirak ap kakininem kaknaiwirem taau. Hiram mamininek. ²⁰ Mit hir epei ninaaiwir menmen enum me ti mit niriakem nentar hir epei nertei menmen yaa im nisesim me Jisas Krais, nipaa kaa te kesak menmen enum me haiu mit kaktaihis, te hir pike nanises menmen eim enum han kir kenke kenterim, hir naniwaank wisenum minin menmen enum mamir ke nipaa hir niriakem. ²¹ Hiram yaa im te nipaa hir ap nemtau him me God mit netporem te hir epei nemtewem nisesim, te maain hir neweikin sip newetiwek pike nanises menmen enum. Maain God kakiwaanki wisenum. ²² Menmen marim epei

^a 2:11 Ju 9 ^t 2:12 Ju 10 ^s 2:13 Ju 12 ^t 2:15 Nam 22:7; Ju 11; Rev 2:14 ^u 2:16 Nam 22:28-35 ^v 2:17 Ju 12-13 ^w 2:18 Ju 16 ^x 2:19 Jo 8:34 ^y 2:20 Mt 12:45 ^z 2:21 Lu 12:47-48 ^a 2:22 Pro 26:11

man mar ke him yaa'im nipaa profet netpim mar im: "Nepere kenikin menmen, te hirak pike ken kaam menmen epei kenikinem. Sak kerek nipaa mit epei nikirek, hirak pike ken kewen toni." Him im meteiknai mit in nipaa nises him me God te in ek hir neweikin sip newetiwek.

Haiu mit mertei Jisas Kraiss pike kaknen

3 ^{1b}Nai yinan yaain, hi hewis tiwei hak ik kises ke nipaa hi nepei heswiyek. Me tiwei ik hi hikiak han ki yaaik te yi han kitet ^{2c}him nipaa mit yaain profet hir newepyapirem, him im metike him me Mitik luwe kerek nipaa kaa pike kekrit ketpai kaktaihis, hirak ketpiyem keriuwe him haiu mit aposel ni haiu metpiyem. ^{3d}Yi eiyrtei menmen im eminin. Me wi menep Jisas pike kaknen, mit han enun nitetnaan hir naninen nanises han kir weinik. ^{4e}Hir nemipin nantip nanir ik: "Nipaa Jisas katip hirak pike kaknen, te hirak keik a? Nipaa him maamrer netpim me ti im mamiwaank ap man au, te hir epei naa. Me wi nipaa enum eik God kirkak ti ik ere in menmen mepu mepir kerek mepeit. Menmen hir netpim ap te mamnen au. Hir nemipin." ^{5f}Te hir ninapen han kitet menmen im. Nipaa God katip te nepni metike ti mau meit. God kirkak ti me tipar ke wan hirak hawi kikaap ti kepu kepeit. ^{6g}God katip kenip tipar miniu miwapin ti ik ek, menmen mau ti maa meit. ⁷Nepni metike ti ik e kerek in ek hiram mepu, him me God metenenim ere maain me wi God skelim mit enun neweikin sip newetiwek, hirak kakisiyem. ^{8h}Nai yinan yaain yi ap han kaa menmen miutipen im e. God ap han kitet wi mar ke haiu mit han kitetim, au. Hirak han kitet wi miutip hiram mire tito yapirwe. ⁹ⁱMitik luwe kiau hirak ap kirkak menmen waswas kakiwaank ti kakir nipaa hirak katip hirak kakriakem kire mit han hir han kitet hirak kakriakem au. Hirak kemerir haiu mit yapirwe mamweikin sip mamwet menmen enum mamisesik kentar hirak kinapen mitik kiutip kerek kaki kakikre si enum au. Hirak hanhan mit niutip niutip nanweikin sip nanwet menmen enum hir nanisesik.

Ti ketike nepni hiram mamiwaank mamit

^{10j}Wi Mitik luwe kaknen kakwepyapir hirekes, hiram mamnen mamir ke mitik hirak kekintip menmen me mitik hak. Mit nepitari wi maain hirak kaknen te hir ap nemeriyiwek au. Wi hirak kaknen nepni mampupu mamiwaank mamit, menmen yapirwe me ti metike menmen yapirwe mit niriakem hiram si tatim mamweikin mamre tipar weinim au mamit pike mamweikin mamre nime. ¹¹Menmen yapirwe me ti si tatim mamiwaank

^b 3:1 2Pi 1:13 ^c 3:2 Ju 17 ^d 3:3 1Ti 4:1; Ju 18 ^e 3:4 Ais 5:19; Esi 12:22; Mt 24:48

^f 3:5 Jen 1:6-9 ^g 3:6 Jen 7:11-21; 2Pi 2:5 ^h 3:8 Sam 90:4 ⁱ 3:9 Hab 2:3; 1Ti 2:4

^j 3:10 1Te 5:2; Mt 24:29, 35

mamit te yi eire mekam a? Yi han yaaik prar prar eiyu eiyises menmen me God, ¹² ^keiriak menmen te mamkaap wi mamnen waswas. Wi ik Mitik Iuwe pike kaknen nepni si tatim mamiwaank, saur metike hir hiram si tatim mamweikin mamre tipar mamit pike mamweikin mamre nime. ¹³ ^lGod epei katip hirak kakriak nepni ham mamtike ti ham te haiu memeriyiwem. Mit nanriak menmen enum me nipaa au, enriak menmen yaaam in keremem.

Haiu naanmampre hiras emimerir Mitik Iuwe pike kaknen

¹⁴ ^{Nai} yinan yaaam yi wen eimerir menmen im mamnen te yi han yaaik prar prar eiyu ap eiriak menmen enum au, te God han kitet yi yaaam yi eitikerek eiyu han kiutip. ¹⁵ ^mYi han ekitet Mitik Iuwe kaiu kaknen waswas skelim mit au, hirak keteiknai hirak kinapen haiu mamiwaank au. Hirak hanhan kakikepai kaktaihis. Kaiu yinak yaaik Pol hirak keriuwe him yaaam God kewetiwekem hirak epei kewisi tiwei me menmen im. ¹⁶ ^{Me} wi Pol kewis tiwei katip me wi Mitik Iuwe pike kaknen, hirak kewis menmen mar kerek hi epei hetpiyem. Him ham mau tiwei mirak hiram haiu ap merteiyem werek werek au. Te mit han enun netaritari neweikin him me Pol, hir newisesik neriuerem nar ke hir neweikin him ham me God nipaa mit profet newisim mau tiwei newisesik neriuerem te hir mit enun naniwaank hiras nanriuerem.

¹⁷ ⁿNai yinan yaaam, in ek yi yerteiyem. Yi naanempre hiras te maain yi ap eiyises menmen enum me mit neweikin sip newet God hir nisesim, te yi ap einaaiwir him yaaam me God. Hiram mekepi mar ke teinik mikaap winak minanek. ¹⁸ ^oYi eiyu werek te Mitik Iuwe kaiu Jisas Krai nipaa kaa kakikepai kaktaihis, hirak han yaaik kakriuwu iuwe kakrekyi yaaam. In ek yi yerteiyek kike, maain yi eiyrteiyek wisenuk. Hi hanhan hirak kakit niuk iuwe in ere tipmain tipmain enum eik.

Mepir keremem

^k 3:12 Ais 34:4 ^l 3:13 Ais 65:17, 66:22; Rev 21:1, 27 ^m 3:15 Ro 2:4; 2Pi 3:9 ⁿ 3:17 Mk 13:5, 33; 1Ko 10:12 ^o 3:18 Ju 25